



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. D. Magistri Petri Lombardi Novariensis Episcopi  
Parisiensis. Sententiарvm Libri IV. quibus vniuersæ  
Theologiæ summa continetur**

**Petrus <Lombardus>**

**Mogvntiæ, 1632**

An omnes angeli fuerint æquales in essentia, sapientia, & libertate arbitrii.

B

**urn:nbn:de:hbz:466:1-38829**

arbitrium, id est, inclinatio voluntatis, siue ad bonum, siue ad malum facultas. Poterant enim liberum arbitrium sine violentia & coactione ad utrumlibet propria voluntate deflecti.

*An omnes angelis fuerint aequales in tribus, scilicet in sapientia, in essentia, in libertate arbitrii.*

Hic considerandum est, utrum in sua substantia spirituali & sapientia rationali & libertate arbitrii, quod omnibus inerant, omnes aequales fuerint: ut sit prima consideratio de substantia secunda de forma: tertia de potestate. Persona quippe substantia est: sapientia forma: arbitrium potestas: & ad substantiam quidem prius naturae subtilitas: ad formam vero intelligentie perspicacitas: & ad potestatem rationalis voluntatis habilitas. Illae ergo esse etiam rationales, quae personae erant, & spiritus erant, naturaeque simplices, & vita immortales, differentem essentia tenuitatem, & differentem sapientiae perspicacitatem, atque differentem arbitrii libertatem & habilitatem recte habuisse intelliguntur: sicut in corporibus nonnulla differentia est secundum essentiam ac formam & pondus. Quaedam namque aliis meliori ac digniore essentiam & formam habent: & alia aliis leuiora atque agiliora sunt. Ad hunc ergo modum credendum est illas spirituales naturas conuenienter suae puritati & excellentiae: & in essentia & in forma & in facultate differentias accipisse in exordio suae conditionis: quibus alii inferiores, alii superiores Dei sapientia constituerentur, aliis maiora, aliis minora dona praestatis: ut quae per naturalia bona aliis excellebant, ipsi etiam post per munera gratiae iisdem praessent. Qui namque naturae magis subtile, & sapientia amplius perspicaces creati sunt: hi etiam majoribus gratiae munieribus prediti sunt, & dignitate excellentiores aliis constituti. Qui vero natura minus subtile & sapientia mi-

zā minus perspicaces conditi sunt, minora gratiæ dona habuerunt, inferioresq; constituti sunt, sapientia Dei equo moderamine cuncta ordinantis. In ipsa facultate arbitrii differētia animaduertēda est secundum differentē naturæ virtutē & differentē cognitionis & intelligentiæ vim. Et sicut differens vigor & subtilitas naturæ infirmitatē nō adducit, minorib; cognitio sapientiæ ignorantiam non ingerit: sic libertas inferior nullam arbitrio necessitatibus voluntatem imponit.

*Quæ communia & æqualia habuerunt angeli.* C

Et sicut in prædictis angeli differebant: ita & quædam communia & æqualia habebant, quod spiritus erant, quod indissolubiles, & immortales erant, commune omnibus & æquale erat. In subtilitate vero essentiæ, & intelligentia sapientiæ, & libertate voluntatis differentes erat. Has distinctio-nes intelligibles inuisibilium naturarum ille solus comprehendere potuit & ponderare, qui cuncta fecit in pondere, numero, & mensura.

*An boni vel mali, iusti vel iniusti, creati sint angelii, & an aliqua mora fuerit inter creationem & lapsum.*

D

Illud quoque inuestigatione dignum videtur, quæ etiam à pluribus queri solet, utrum boni vel mali, iusti vel iniusti creati sint angelii: & in aliqua mora fuerit inter creationem & lapsum: vel sine mora in ipso creationis exordio ceciderunt.

*Opinio quorundam dicentium angelos in malitia creatos.*

*& sine omni mora nuisse.* E

Putauerunt n. quidam angelos, qui ceciderunt, creatos esse malos, & non libero arbitrio in malitiam declinasse: sed etiam in malitia à Deo factos esse, nec aliquam fuisse moram inter creationem & lapsū, sed ab initio apostataisse: alios vero creatos fuisse plenè beatos. Qui opinionem suam mununt auctoritate Aug. super Genes. ita dicentis.

Noe